



A lokisetse Morena Sechaba se phethehileng (Luka 1,17)

Tel: 28 350 466/ 62600983 (WhatsApp)

M5.00

MOELETSI OA BASOTHO

PARARE DOMINO PLEBEM PERFECTAM



**DMA e ithophela
likoluo**

2


**Lephema haesale
letona**

5



BAHLAHISI BA TSIETSING

www.moeletsioabasothis.co.ls



Re se re fumaneha ho marangrang

Email: newsroom@moeletsioabasothis.co.ls
Tel: +266 28350466/ WhatsApp: 62600983

MOELETSI

Lesotho le'a hole

Naha ea Lesotho e ne e tsebahala ka khauta e tšoeu, eleng metsi, ao re ikhantšang ka ona le moea o hloekileng haholo. Sesotho se re moja pele o tšoana le moja morao. Ke mang ea neng a ka nahana kapa hona ho tseba hore Lesotho le ka tsejoa le machabeng feela ka ketapele ea papali ea bolo ea maoto? Hajoale re se re tsejoa lefatše ka bophara hore le rona re teng ka papali ea bolo ea maoto. Papali ea bolo ea maoto e etsa mehlolo le meka hohle moo e bapalloang teng. Libapali tsa bolo ea maoto e ka bana ba motho nakong eo ba leng ka lebaleng, b'a ratana, b'a utloana b'a thusana ba bile b'a buisana. Tikolohong ea Afrika ho fihlile nako joale, liqi tsa Naha ea Lesotho li'a utloahala.

President ea LeFA o khethetsoe ho ba setho se secha sa Mokhatlo oa Tikoloho e ka Boroa ea Afrika (COSAF). Hona ho re re le sechaba sa Basotho re tlameha ho ikotla sefuba ka taba eo, ke pontšo e hlakileng hore le rona re na le boiphihlelo tsamaisong ea bolo. Naha ea Lesotho e'a bontša hore re na le batho ba nang le litsebo tse pharaletseng. Re le naha ho'a bonahala hore machaba a re hlomphe joale ka litsebo tseo re ka li tlišang tafoleng, tsa ho bona hore papali ea rona e'a matlafala tikolohong e ka Boroa ea Afrika. Re se re tla ba le lentsoe liqetong tsohle tsa komiti ea COSAFA. Hana rona re tšoanetse ho etsa joang? Re le naha re lokela ho sebetsa ka thata e le hona ho mo fa tšehetso.

Ho se shebele litaba 'moho kapa hona ho fapakana ka maikutlo, ha se hore ha re sa le Basotho, kapa taba eo e etse hore re betsane ka majoe. Che! Hangata ke e ke re hoja bapolutiki ba tšoana le libapali tsa bolo. Ha o sa hlaba ntlha se koate, khutlela morao ho ea sheba o fositse morethetho kae, amohela tlhoho ka pelo e tšoeu.

Ho fua thomo ke Motlotlehi ke tlotla e kholo, hape ke lehlohonolo. Ruri motho ea hanang taba e joalo ke bohlasoang ba hae, khabareng o tla llela lebeso le qhalaneng.

Ha se mohlolo hore matona a lula a feto-fetoloa, le mebusong ea nako e fetileng ho bile joalo feela. Ho fetola libapali ka lebaleng ke hobane o batla ho hlasela haholo, kapa o eleletsoe hore hona le phoso kae-kae. Ho ntša sebakali ha se hore ha se na thuso, empa o shebile hore qetellong o hape papali. Mokoetlisi ea hloahloa o lutse e le 'mesa-mohloane ea sa panyeng, ea sa batleng phoso ea mofuta o fe kapa o fe.

Mokhethoa oa Mafeteng, eo re seng re mo bitsa Mohlomphehi, o kena ofising nakong eo ho leng thata ho nang le karohano kahar'a letšolo. O re o tl'o khutlisa botsitso le ho matlafatsa tšebeliso 'moho kahar'a ho let'solo, molemong oa hore puso ea sechaba ka sechaba le phano ea litšebeliso li tsoelepele hantle. O boetse o bontšitse teboho bakeng sa tšepo eo a e bontšitsoeng, a tšepisa boitelo le boikarabello mosebetsing oa hae o mocha.

CCL e re joalokaha Lekhotla la Matona le entsoe ka litho tsa paramente, tse khethiloeng ke sechaba, ho bohlokoa hore a hlomphe thato ea batho ba mo khethileng. A re se sa atleheng ho batho se'a atleha ho Molimo, 'me moea oa boitelo o fua batho ke Molimo.

Lipuisano ke mohloli oa tharollo ea mathata ohle, 'me li bohlokoa botsitsong ba puso ea sechaba ka sechaba. Lipuisano li tliša bonngoe le chebelo pele.

Ruri ea maruri DMA e aha serobe phiri e se e jele, haeba ke hona e tl'o qala ho rupela sechaba ka litaba tsa ho thibela likoluo. Sechaba se tlameha ho fua lithupelo nako eohle hobane ha re tsebe nako eo likoluo li tla fihla ka eona, eseng ka nako eo kuloa e seng e hlahlile. Re ipiletsa ho lona hore le folofele lera-ba metsi a se pshe lea shebile.

MOLIMO A BOLOKE LESOTHO LE BASOTHO

DMA e ithophela likoluo

Nthabeleng Seithleko

Ele ho ithophela likoluo ka nako, Lefapha la Thibelo le

bakeng pherekano sechabeng.

O re ho arabela litaba tsa likoluo ka nako ho thusa ho boloka bophelo ba sechaba le ho bona hore polokeho ea sechaba e ba teng. O re likoluo li etsahala khafetsa 'me ba lokela ho lula ba ithophile.

la, 'Mamonyaku Koloti, o itse morero o i'lo sebetsa haholo Literekeng tse ka Boroa ho Naha, eleng literekeng tsa Mohale's Hoek, Mafeteng le Quthing, eleng Literekeng tse hlileng li nang le bothata ba komello.

A re komello ke qholotso e kholo eo amang a



Taolo ea Likoluo (DMA) le phatlalalitse morero oa projeke ea ho matlafatsa mehato ea ho itokisetza likoluo hloahloeng eka Boroa ho Africa ka tšebeliso le mekhatlo ea machaba, e tšehelitseng ka lichelete ke European Civil Protection and Humanitarian Aid Operations (ECHO).

Litaba tsena li hlalelletse 'mokeng oa bo-ralitaba ka la 20 Motšeanong Monongoa-ha. Moo mookameli oa DMA, Reatile Elias o itse morero oa projeke ke ho ntlafatsa mekhoha ea ho arabela, ho thusa moo kotsi e seng etsahetse, le ho hlaba sechaba sohle malotsana moo se phelang ka boemo ba likoluo esale kapelenyana, e le hore se tle se nke likhato esale nako. Ho lemosa ntle le ho baka letsoalo sechabeng, ho fetisa melaetsa e hlakile e sa

Motsamaisi lefapheng la thibelo le karabelo ea likoluo pele li ka etsaha-

malapa a salang a hloka lijo le litaba tsa boipheliso e ba bothata.

Mazenod PRINTING BOOKS PVT LTD

57396597
28 350 815

28 350 466
lesaoanats@gmail.com




Scan me

U se u ka fumana buka ea Malebela ho marang-rang a boletsoeng ka tlase kapa oa sebelisa code e kahollimo.

Get the Akello app on Play Store, App Store, or Huawei App Gallery for Mazenod books and more. Download now!

<https://library.akello.co/downloads>

akello

Contacts: +266 28350 466

62600983 WhatsApp

Email: newsroom@moeletsiobasotho.co.ls

Sales and Marketing: (+266) 28 350 466/ 57396597 (WhatsApp)

MOELETSI oa BASOTHO

EMAIL: editor@moeletsiobasotho.co.ls

sub-editor@moeletsiobasotho.co.ls

Mohale Lehlohonolo (Sub-editor)

(+266) 58 771 507 / 62 771 507

Journalists

Nthabeleng Seithleko

Tšelis Thakholi

Production Desk: 'Mateele Liqa

57 665 038/ 68 216 271

58 540 853/ 63 480 404

Motšoane o tšepisa botsitso ba RFP



Nthabeleng Seithheko

Mokhethoa oa Mafeteng Moeletsi Motšoane o hlapantšitsoe e le letona le lecha la 'muso. O tšepisitse hore ntho ea pele eo a tl'o e etsa ke ho matlafatsa botsitso kahare ho mokha o busang le ho ntlafatsa tšebetso ofising ea hae e ncha. Tsena li bile ka la 19

Motšeanong monongoaha.

O tsoetsepele hore o kena ofising nakong eo ho nang le karohano kahare ho mokha o busang, e hlohang bonngoe le boikarabello bo kopanetsoeng. O re sepheo sa hae ke ho kenya letsoho ho khutliseng botsitso le ho matlafatsa tšebeliso kahare ho letšolo, molemong oa hore puso le phano ea litšebeliso li sebetse hantle.

Letona le boetse la re leha le kena lefapheng le lecha,

le ikemiselitse ho ithuta le ho sebetsa le bankakarolo ba amehang ho ntlafatsa tšebetso ea lekala leo. "Ke ikemiselitse ho ithuta le ho netefatsa hore ofisi ena e sebetsa hantle molemong oa Basotho." Ho boletse eena. Mohlomphehi Motšoane o boetse o bontšitse teboho ka tšepo ea e bontšitsoeng, a tšepisa boitelo le boikarabello mosebetsing oa hae o moha.

Ho sa le joalo, 'muso o

kopiloe ho beha lithahasello tsa naha pele ho melemo ea botho kapa ea lipolotiki, ha naha e itokisetsa ho keteka lilemo tse 60 tsa boipuso. Sena se boletsoe ke Moarekabishopo oa Basali e bile e le Mongoli Kakaretso oa Lekhotla la Likereke (CCL), Mpati Moseme, kamor'a liphetho tse etshahetseng moo matona a mang a hlapantšitsoeng ha amang a tlositsoe.

O hlalositse hore Lekhotla la Matona le bopiloe ka litho tsa paramente tse khethiloeng ke sechaba, ka hona ho bohlokoa hore li hlomphe thato ea batho ba li khethileng. Moseme o itse se sa khoneheng ho batho se'a khoneha ho Molimo, 'me moea oa boitelo o fuaa batho ke Molimo.

Ka hona o re Lesotho le tla keteka lilemo tse 60 tsa boipuso, hobane Molimo o ratile naha ena, a eketsa ka hore Lekhotla la Matona le lokela ho etella pele ka botšepheho le seriti.

Ho sa le joalo, o re hamorao letsatsing leo Lekhotla lena le neng le tšoare thapelo ea naha bakeng sa botsitso pusong le litaba tse ling, le tla tšoara kopano ho rala matsatsi ao thapelo e

tla tšoara pele ho boipuso. "Ona ke morero oa hore re tlohe Maseru re ee le literekeng tse ling, hobane sechaba ka kakaretso se lokela ho ba le bonngoe, se batle Molimo le 'Muso oa Hae bakeng sa ho fihlela 'Lesotho leo bohle re le batlang, joalokaha ho hlalositsoe lenaneong la liphetho tsa naha." Ho boletse eena.

O boetse a re kamor'a kopano eo ba ikemiselitse ho kopana le Tona-Kholo Ntsokoane Matekane, e le hore ba rapelle Lekhotla la Matona pele ho boipuso le pele ho likhetho tsa naha tsa 2028.

Ka lehlakoreng le leng o ipilelitse ho bohle, haholo bohanyetsi, ho re ba tsoelepele ho beha 'muso leihlo ka tsela e ahang e le ho o thusa ho phethela nako ea oona, haholo nakong ena eo moruo oa lefatše o leng mathateng.

Lekhotla lena le thehilo lilemong tse 'maloa tse fetileng ka sepheo sa ho kopanya likereke tse fapaneng tse kenyeletsang tsa Born Again, Baapostola, Zion le tse ling, hore li bue ka lentsoe le le leng le ho phahamisa Lentsoe la Molimo.

Tlaleho ea boitšoaro e'a checha



Nthabeleng Seithheko

Ntlha ea tsamaiso mabapi le tlaleho ea Komiti ea Portfolio ea Boitšoaro, Melao ea Boitšoaro, Tšireletso le Litokelo tsa Litho tsa Paramente mabapi le melao ea

boitšoaro ba Litho tsa Paramente (MPs), ha e'a ka ea tšohloa ntle le tsebiso ka la 18 Motšeanong monongoaha, ka lebaka la bohlokoa ba eona.

Sena se latela ntlha ea tsamaiso e hlalositsoeng ke Moetapele oa Bohanyetsi, Mathibeli Mokhothu, ea kopileng hore taba ena e se ke ea tsoela pele ntle le tsebiso

ea pele.

Mokhothu o boletse hore molao o reriloeng oa boitšoaro o bohlokoa, hobane o tla sebetsa ho Ntlo eohle ea Paramente, ka hona litho tsa paramente li lokela ho fuaa monyetla oa ho ithuta le ho o utloisisa hantle ka lipuisano tse seng molaong pele.

O hlalositse maikutlo a

amehang ba ne ba se ba memetsoe lipuisanong, empa ba hloleha ho ba teng, ntle le Motlatsi oa Tona-Kholo eo hape e leng Moetapele oa Ntlo.

Hamorao Motsamaisi oa Lipuisano Mohlomphehi Tlohang Sekhamane, o ile a beha taba ena likhethong, moo bongata bo ileng ba lumellana hore e se ke ea tšohloa ntle le tsebiso.

Ho sa le joalo, taba ena e ile ea hlalisoa lekhetho la pele tulong ea Ntlo ea Bakhethoa, ka la 24 'Mesa monongoaha, 'me ho lebetsoe hore e hlalisoa hape matsatsing a tlang.



NOTICE OF LOST LEASE

NOTICE is hereby given that I intend to apply for a certified copy of a registered **Title Deed/Lease** to immovable property registered Under No. **14322-248** on the 13th September 2013 in favour of **THABANG 'MILE** in respect of every right or interest on the building (s) and other developments express or implied in certain Plot No. **14322-248** situated at **HA SEKEPE MAZENOD MASERU DISTRICT** on plot **14322** as held by Chief Surveyor.

All persons having objection to the issue of the said copy are requested to lodge such in writing to the Land Registrar **within three weeks** from the last publication of the notice.

ADDRESS:

Land Registrar
Land Administration Authority
Lerotholi Road
P.O.Box 11856
Maseru 100

APPLICANT'S NAMES AND ADDRESS:

Thabang 'Mile
Ha Sekepe
P.O. Mazenod
Lesotho
Contacts: 56009061

MOELETSI O TŠEHETSA BACHA

Tšeliso Thakholi

Sehlopha sa bacha ba iko-pantseng ba motseng oa Lithabaneng, Seterekeng sa Maseru, se ipitsang lpopeng Bacha, ba qalile khoebo ea leruo la likhoho tsa nama ka sepheo sa ho hlahisa nama ea boleng bo holimo, ho fepela likhoebo tse teng kahar'a naha. Ba ipiletsa ho bacha ho sebelisa litalenta tseo ba nang le tsona kaha naha ea Lesotho e tobane le leqeme la mesebetsi. Ho'a lokela ke hona, hore bacha ba Basotho ba hlokomele hore ha ho seo naha kapa bona ba ka intšang bofumeng ka sona ha e se ho iqalla likhoebo tse fapakaneng.

Bacha bana ba se ba hatetse-pele haholo khoebong ena, empa ha ho

a ntse a nkile nama ea khoho e hlahisoang Lesotho e sa khotsofatse boemo ba machaba. Bacha ba li beha tjena:

QALEHO EA MORE-RO

Morero ona oa rona re o qalile ka 2014, moo re neng re ntse re fepela likhoebo tse 'ne feela kahar'a toropo ea Maseru ka nama ea khoho le ho rekisetsa batho ka bo mong. Empa ra boela ra hlokomela hore selemo le selemo ho tloha ka 2015 re eketse ka tse 50, ho fihlela monongoaha re ruile likhoho tse 500 tsa nama. Lebaka ke hobane re ne re hlokometse hore re sitoa ho fihlela litlhoko tsa baji ba litšebeliso tsa rona.

BACHA BA LIHELOA KE LIQHOLOTSO

Re boetse ra ithuta hore

boinahano.

Kahare ho rona re na le bacha ba nang le litsebo tse fapakaneng, 'me pele re qala khoebo ena, re ile ra etsa boithuto ba hore e be khoho ea rona Lesotho mona ke hobaneng e sa fihle limmarakeng tse kholo. Ra fumana ka litsebi tsa rona hore ha hona selakhapane sa likhoho moo li ka hlabeloang teng. Hape mebuso ha e-s'o batalatse mabala joalokaha re boletse, hore nama ea rona e kene limmarakeng tse kholo tsa lefatše.

MEKHATLO EA MACHABA

Har'a tse ling tseo re ileng ra li etsa boithutong ba rona, re qalile ka ho ikopanya le Mokhatlo oa Machaba oa Lijo (FAO), re re ba ke ba re hlalose tse hore ke hobaneng ha khoho e hlahisoang Le-

lulang e etsahala ka linako tsohle.

BA ATLEHA HO FETA LIPEHELO

Re thehile sehlopha sena re le bacha ba 20 ba ruileng likhoho tsa nama, 'me sena se ka re thusa hore ka letsatsi re hlabe palo ea likhoho tse hlokoang ho ea 'marakeng. Re batla ho iphuma-na re holile re tseba ho iphelisa, kaha kopano e le matla hafeela re le lentsoe leng. Re se re tseba hore ha khoho e kene 'marakeng, e hloka ho phutheloa ka makhetho, ebe maemong a machaba hore e hloisane le ea likampani tse ling. Hantle rona ka khoebo e-na ea rona ha re batle ho khathatsa 'muso hore o re fese mosebetsi e le sieo.

HO TSETALA KHOHONG

ho re ba tsebe ba lokela ho hlahisa khoho joang, le ho beha litheko joang, kaha re hlokometse hore bothata bo bong ba ho se rekoe ha nama ea likhoho tsa rona ke litheko tse sa tšoaneng.

KELETSO HO BACHA

Re khothaletsa bacha ho iqalla lintho tsa bona leha ho le boima, empa ba se ke ba khathala matla, kaha nakong eo ba ntseng ba iketsa mekopa-kopa ba ntse ba senyeheloa ke nako. Leha mocha a ka ruteha joang kapa joang, a tsebe hore ha ho le ka mohla a ka tsekisoang seo, empa a se ke a hlola a nahana ho hiroa a etse seo eleng sa hae a tsebe ho phela. Bacha emang ka maoto ho iketsetse le tlohele ho itšepisa lintho tse ke keng tsa phethahatsoa.



bonolo ho kena mebarakeng e meholo ea lefatše ho rekisa leha ba se ba ena le lilemo tse peli ba kene leruong lena la likhoho tsa nama. Qholotso e kholo ea hore ebe Lesotho ha le kene mebarakeng e meholo ea machaba, ke hobane mebuso e ntse e-s'o batalatse mabala ka tsela e lekaneng bakeng sa lihlahisoa tsa naha. Ka hona machaba

bacha ba bangata likhoebo tsa bona li lihelo ke liqholotso tse fapakaneng tseo ba tobanang le tsona nakong ea tšebetso. Ka hona ba lokela hoba le boikemisetso ba ho tobana le liphephetso tsa likhoebo tsa bona, kaha ho tsitlallela khoebong ho tlisa likatleho le kholo, kaha motho leha a tsoa sekolong o tla be a e-na le mokhoa o motle oa

sotho e sa kene mebarakeng ea lefatše. Tse ling tsa lipotso tseo ba ileng ba re botsa tsona, ke hore na re na le mechini ea mofuta ofe, selakhapane se teng le hore se boholo bo bokae? Ba tisa taba ea hore ho hloka-hala selakhapane se boemong ba machaba bo amohelang. Ka letsatsi ho hlajoe likhoho tse 5,000, 'me ebe ntho e

Re le bacha re lokela ho fuoa monyetla oa pele oa ho tsetela khoebong ea khoho ea nama le ea mahe kantle le kahare ho naha. Taba e 'ngoe ea bohlokoa ke ea hore bahlahisi bohle ba nama ea khoho, e le bacha kapa batho ba baholo, ba lokela ho atamela litsebi tsa Lekala la Temo le Kanetso ea Lijo ho fumana lithupelo khafetsa,

Ke rata ho etsa mohlala ka rona, re na le bacha ba rutehileng haholo kahar'a lpopeng Bacha, 'me ka litsebo tseo re nang le tsona, re ruile likhoho tsa nama. Ha joale 'na ha ke bone e ka ho sa hlokahala hore ha re qeta likolong re 'ne re hiroe. Ke hore re hlahise mesebetsi ka litsebo tseo re nang le tsona, ekaba ka thuto kapa tsa bohlahe ba kelello.

Lephema haesale letona

Nthabeleng Seitlheko

Morupeli e Moholo Lefapheng la Lithuto tsa Lipolotiki le Tsamaiso ka Sekolong se Seholo sa Sechaba, Tlohang Letsie, o re lipheto ho tsa morao-rao Lekhotleng la Matona, ho tlosoa ha matona le ho khethoa ha a macha ho bakile bothata. Tsena o li buile ka la 19 Motšeanong monongoaha.

Letsie o re lipuisano li bapala karolo ea bohlokoa botsitsong ba puso, ka hona ho ka ba molemo hore Lekhotleng la Matona ho buisanoe pele ho etsoa lipheto ho qoba maemo moo matona a mang a hanang ho ea mafapheng a mang ebe qetelong a tlosoa mesebetsing.

O boetse a bontša hore mokha o mong le o mong oa lipolotiki o na le litšiea tsa oona, a fana ka mohlala ka RFP, eo a reng e thehiloe ke bo-rakhoeba ba tummeng, ba ileng ba kenya letsoho haholo kholong ea letšolo, ka hona lithahasello tsa bona li lokela ho etelletsoa pele bakeng sa botsitso ba letšolo la bona.

“Hang ha mokha oa lipolotiki kapa ’muso o lahlehela ke bongata ba oona, botsitso hangata bo tloha bonngoen bo kahare ho mokha, ho ea lipuisanong tsa kantle

ileng ea lokolloa khoeling e fetileng ke Ofisi ea Mongoli oa ’Muso e phatlalalitse lipheto ho tsa matona a mang, moo Letona la Litaba tsa Likamano tsa Machaba,

Polelo eo e boetse ea bontša hore Mohlomphehi Thabo Mofosi o ile a tloha Lekaleng la Temo ho ea Lekaleng la Tikoloho, Mohlomphehi Lebona

ea Litabeng tsa Kantle ho Naha. Ka nako e tšoanang, Mokhethi Shelile le Letsema Adontsi ba ile ba lokolloa mosebetsing oa bona e le matona.

Ho feta moo, lipheto ho tsena li ile tsa etsahala ka ho khethoa ha matona a macha Mafapheng a Bophelo, Litaba tsa Lehae le Sepolesa hammoho le Letona Ofising ea Tonakholo, e leng ’Mamokete Ntšekhe, Voyiswa Tsheka le ’Makatlheho Motsoasele ka tatellano.

Leha ho le joalo, Lephema h’a ka a itlaleha mosebetsing e le Letona la Khoebo, ’me polelo e tsoang Ofising ea Mongoli oa ’Muso e lokolotsoeng ka la 18 Motšeanong monongoaha, e phatlalalitse lipheto ho tse ling Lekhotleng la Matona, moo Mohlomphehi Lephema a ileng a tlosoa le ho lebohisoa mosebetsi hang-hang.

Lipheto ho tse li boetse tsa ama Letona la Lipapali le bohahlauli Mohlomphehi Motlatsi Maqelopo, ea ileng a isoa Lekaleng la Khoebo, ha Mohlomphehi Mputi Mputi a tlohile Lekaleng la Bosebetsi ba Sechaba ho ea Lekaleng la Bohahlauli.



tsa paramente.” Ho boletse eena. A hatella bohlokoa ba lipuisano le bonngoe har’a litho tsa mokha ho matlafatsoa botsitso.

Ho sa le joalo, polelo e

Mohl. Lejone Mpotjoane, a ileng a isoa Lekaleng la Matla le Merafo, ha Mohl. Selibe Mochoboroane a ile a tlosoa Lekaleng la Bophelo ho ea ho la Temo.

Lephema ho tloha Pusong ea Libaka ho ea Lekaleng la Khoebo le Mesebetsi e Mehola, ha Mohlomphehi Limpho Tau a ile a tloha Ofising ea Tona-Kholo ho

Mazenod Tailoring
Prepare good People for The Lord

tailoring@mazenodprinting.co.ls

22 350 224
+266 50757585

**Transforming your image
is our Passion**

Readily available



Bahlahisi ba tlokotsing

Nthabeleng Seithleko

Bahlahisi ba likhomo le likhutšoane ba re seoa sa lefu la tlhaku le molo-mo (FMD) se fetohile tšitiso e kholo moruong, malapa a mangata a ntse a tete-bela bofumeng. Tsena li hlaliletse lets'olong le neng le le Seterekeng Berea, ka la 20 Motšeanong monongoaha.

Litlitlebo tsena li hlalishitsoe nakong ea letšolo la tlhokomeliso ka seoa sa FMD le hlophisitsoeng ke Lefapha la Temo, Polokeho ea Lijo le Phepo, Setsing sa Bacha sa Teyateyaneng ka Laboraro. Letšolo lena le latela kamor'a hore ho netefatsoe litlaleho tsa FMD libakeng tse kang Ha Mokhothu le Ha Koali.

Mohlahisi oa likhomo tsa lebeso, Makhetha Leoka-oke, o re phatlalatsa ea FMD e le koluoa ea naha e amme haholo bophelo ba bahlahisi, kaha ba se ba sa lumelloa ho rekisa lebeso litsing tsa lebeso seterekeng. Leoka-oke o hlalositse hore likhomo tsa hae li ne li hlalisha lipakeng tsa lilitlithara tse 15 le 20 tsa lebeso ka letsatsi, empa hajoale h'a sa atleha ho rekisa lebeso leo ka lebaka la lithibelo tse behiloeng tlas'a maemo a tšohanyetso. O re boiteko ba ho rekisa lebeso metseng, ha bo'a atleha, hobane matla a ho reka sechabeng a fokola, 'me lebeso le lengata le'a senyeha.

A tsoela pele ka hore ho reka furu ho se ho le thata haholo ka lebaka la tahlehelo ea chelete e tsoang thekisong ea lebeso, haele ho lefa balisana ho se ho le thata hoo bahlahisi ba bang ba tlamehang ho fokotsa basebetsi. O boletse hore bahlahisi ba sebelisane le basebetsi ba Lefapha la

Liphoofole ba etelang mapolasi ho hlahloba matšoao a FMD, empa mapolasing a mang ha hoa ka ha fumanoa tšoaetso.

Ho ea ka Leoka-oke balemi ba ikutloa ba lahliloe kaha tšehetso ea 'muso e'a fokola empa likhoebo tsa bona li le haufi le ho putlama. O boletse a bontša ho tšoenyeha ka hore bahlahisi ha ba e-s'o fumane ente.

Morekisi oa liphoofole le lihlahisoa tsa lebeso, Tšepo Khati, o re temo e ntse e le mohloli o moholo oa boipheliso ho Basotho ka thekiso ea liphoofole le lihlahisoa tsa lebeso. Leha ho le joalo, o re seoa sa FMD se bakile tahlehelo e kholo ea lichelete. Khati o hlalositse hore

etsang hore ho be thata ho sebeletsa setereke kaofela.

Khati o boletse a lemosa hore bahlahisi ba bang ba lebeso ba ntse ba rekiset-sa sechaba lebeso ka kotleloho ho e-na le ho le isa litsing tsa lebeso, e leng se ka eketsang kotsi ea ho ata ha lefu lena. O khothalelitse 'muso ho matlafatsa matšolo a tlhokomeliso, haholo-holo libakeng tse hole molemong oa ho loantša litaba tse fosahetseng ka seoa sena.

Ka lehlakoreng le leng, mohlahisi oa likhutšoane Mthimkhulu Rapopo, o re seoa sena se hlalile nakong eo balemi ba neng ba itokisetsa mesebetsi ea ho kuta lipoli. Rapopo o hlalos-

moeli pele ho phatlalatsa maemo a tšohanyetso, bo ntse bo tšoareletsoe boema-kepeng, seo se siea bahlahisi ba hloka chelete le ho eketsa tšabo ea litšenyehelo tse ling tsa polokelo. Rapopo o boletse a bontša matšoenyeha a hore, leha Lesotho le ka lumelloa hape ho romela boea kantle ho naha, litheko tsa kilogramme li ka theoha ka lebaka la seoa sena.

H'a bua nakong ea letšolo lena, Ngaka ea Liphoofole seterekeng, Dr. Lebohlang Moroke, o hlalositse FMD e le lefu la kokoana-hloko le tšoaetsanang haholo, le amang likhomo, linku, lipoli le liphoofole tse ling tse nang le maoto a arohaneng.

Lefapheng la Liphoofole. Ho ea ka Dr. Moroke, liphoofole tse tšoaletsoeng li ka ba le feberu le maqeba a kang marotholi lelemeng, melomong, matsoeleng le pakeng tsa manala, e leng se etsang hore li sitoe ho tsamaea hantle le ho baka tahlehelo e kholo tlhahisong.

O boletse o hatelletse hore ho tsamaisoa ha liphoofole ho ntse ho thibetsoe ka thata ntle le tumello e tsoang Ofising ea Ngaka ea Liphoofole seterekeng.

A bua ka maikutlo a tšoaetsanang, Ofisiri ea Temo Malerato Lekhooa, o re Berea e ntse e le kotsing e kholo ea FMD, a lemosa hore polokeho ea lijo ham-



bahlahisi ba se ba tlameha ho fumana lengolo la tumello pele ba rekisa liphoofole, empa tiehiso ea ho fumana mangolo ao Ofising ea Ngaka ea Liphoofole seterekeng e etsa hore ba lahleheloe ke bareki.

O bontšitse hore ngaka e 'ngoe feela ea Liphoofole seterekeng, e leng se

itse hore leha mesebetsi ea ho kuta e se e qalile hape, boea bo ke ke ba romelloa kantle ho naha hajoale, 'me ho bo bolokoa matlong a polokelo ea boea, ho hlalisha tšabo ea hore sebaka sa polokelo se ka fela haufinyane.

O ekelitse ka hore boea bo neng bo se bo tšetse

Dr. Moroke o hateletse hore lefu lena le sa tšoaetse batho, le na le litlamorao tse kholo moruong, kahoo mehato ea thibelo e bohlokoa haholo.

O khothalelitse bahlahisi ho hlahloba liphoofole tsa bona khafetsa, le ho tlaleha matšoao afe kapa afe a belatsang ho ba boholong

moho le mafapha a kang boea le tlhahiso ea lebeso li ka ameha haholo haeba mehato ea thibelo e sa matlafatsoe.

Mookameli oa Likoluoa seterekeng, Ntšilane Baholo Maliehe o netefalelitse bankakarolo hore leano la naha la ho arabela FMD le se le amohetsoe, le hore Sehlopha sa Tsamaiso ea Likoluoa seterekeng se tla tsoelapele ka matšolo a tlhokomeliso hammoho le Lefapha la Temo makaleng a fapakaneng.

Maliehe o khothalelitse bahlahisi le sechaba ho latela melaoana e reretsoeng ho thibela ho ata ha lefu lena, o hateletsa hore taolo ea likoluoa ke boikarabelo ba motho e mong le e mong.

Litereke tse seng li netefalitse litlaleho tsa FMD ho fihlela joale li kenyelletsa Mokhotlong, Botha-Bothe, Leribe, Thaba-Tseka, Qacha's Nek, Mohale's Hoek le Berea.

Lesotho le itlhophela toantšo ea lefu la litoeba

Nthabeleng Seithleko

Lesotho le ntse le falimehile ebile le tla netefatsa thibelo ea lefu la Hantavirus, hore le se ke la kena kahar'a naha ka ho sebelisa mehato e fapakaneng ea tšireletso. Sena se boletsoe ke Letona la Bohahlauli le

Tikoloho, Mohlomphehi Mputi Stephen Mputi lebitsong la Letona la Bophelo, tulong ea Ntlo ea Bakhethoa ba sechaba. O itse mehato eo e kenyeletsa ho hlahloba batho le thepa e kenang kahar'a naha malibohong, ho ruta sechaba ka matšoao a lefu lena, hammoho le ho koetlisa basebetsi ba tsa bophelo le ba taolo ea meeli ka Hantavirus.

O boletse a re naha e tla tsoelapele ho sala morao

boemo bona le litlaleho tse tsoang ho Mokhatlo oa Lefatše oa Bophelo (WHO) le naheng ea Afrika Boroa moo lefu lena le tlalehiloeng teng. A re batho ba ileng ba etela linaha tse angoeng ke Hantavirus le bona ba tla behoa leihlo.

O hlalositse hore leha sekhahla sa tšoaetso se le tlaase, lefu lena le fetisoa haholo ka ho kopana le moroto, mantle kapa mathe a litoeba tse tšoaletsoeng, athe tšoaetso

pakeng tsa batho e etsahala ka seoelo.

A re matšoao a pele a Hantavirus a kenyelletsa mokhathala, feberu le ho hema ka thata, ha matšoao a matla a kenyelletsa ho hema ka thata haholo le ho hloleha ha pelo ho sebetsa hantle.

Ho sa le joalo, ho tlalehilo lipalo tse peli tsa Hantavirus Afrika Boroa, moo ho fumanoeng hore li amana le sekepe sa maeto se neng se tsoa Antarctica.

Ha Mpusi e fumantšoa metsi

Nthabeleng Seitlheko

Bothata ba khaello ea metsi a hloekileng bo haufi le ho fela motseng oa Ha Mpusi, Seterekeng sa Berea, kamor'a ho hlahisa semmuso mokonteraka ea tla phethahatsa morero oa phepelo ea metsi mahaeng, o reretsoeng ho thusa malapa a 93, ka la 19 Motšeanong monongoaha.

Mokanselara oa Masaleng, Thibello Kanei, o itse ho qalella ha morero ona ke mohato o mong oa bohlokoa ntšetsopeleng ea sechaba karolong ea Masaleng, o reretsoeng ho rarolla bothata ba nako e telele ba khaello ea metsi motseng oa Ha Mpusi.

O hlahositse hore Ha Mpusi ke o mong oa metse e ntseng e salletse morao ka litšebeliso tse ngata, empa morero ona o mocha ke karolo ea boiteko ba ntšetsopeleng ea sechaba, bo reretsoeng ho netefatsa phepelo e tsitsitseng ea metsi.

O boetse a re morero ona o reretsoe ho ntlafatsa bohloeki le bophelo ba batho, ka ho fokotsa maeto a matelele ao b'a nkang letsatsi le letsatsi ba batla metsi a ho noa le ho phehela malapa. Kanei o bontšitse hore morero ona oa phepelo ea metsi mahaeng, o tla boela o thuse Sekolo sa Mathomo sa Khabasheane, e le karolo ea ho phahamisa katleho ea bana lithutong.

Ho sa le joalo, o itse litsela tse mpe le tse senyehileng libakeng tse fapakaneng tsa Masaleng, e ntse e le phephetso e kholo, haholo ho tloha Sefikeng le Ha 'Matholoana.

Ntle le morero ona oa metsi, Ha Mpusi Masaleng e amohetse morero oa motlakase mahaeng, o reretsoeng ho thusa malapa a ka bang 800.

Ka lehlakoreng le leng



khaello ea metsi e ntse e ama haholo bophelo bo botle ba bana, haholo banana ba banyenyane, kaha hangata ke bona ba qobelloang ho tsamaea

sebaka se setelele ho ea kha metsi. Sena se ama nako ea bona ea ho ithuta, polokeho le bophelo bo botle, kaha ba bang ba qetella ba sebe-

lisa metsi a sa hloekang a ka bakang mafu a kang letšollo le mafu a amanang le bohloeki.

Ho boetse ho boleloa hore banana ba bang ba

sitoe ho ea sekolong ka linako tse ling, hobane ba qeta nako e ngata ba batla metsi bakeng sa malapa a bo bona, e leng se amang thuto le bokamoso ba bona. Motse oa Ha Mpusi o kahare ho Lekhotla la Sechaba la Motanasela, lebatooeng la Tšoana-Makhulo.

Mapheng Seinoli eo e leng moahi, o hlahositse hore ba sotlehile nako e telele, ba ne ba sitoe ho fumana metsi ka nepo hobane a le hole, malapa a neng a sa atlehe ho reka metsi a ne a kha metsi lilibeng tse sa hloekang kapa linokeng. A re bophelo bona bo ne bo le boima hobane ho tsamaea nako e telele ho ne ho etsa hore le tlheketso e be teng.

Ngoana oa moshanyana o fua boitšepo

Nthabeleng Seitlheko

Ka sepheo sa ho phahamisana boiketlo ba bana ba bashanyana, Sehlopha sa Tšireletso ea Bana Seterekeng sa Berea (DCPT), se tla keteka Letsatsi la Machaba la Moshanyana, Koeneng, ha ketsahalo e tšoanang e bile Maseru ka la 17 Motšeanong monongoaha.

Ketsahalo ena e tšoaroe tlas'a lepetjo le reng: "Ho aha boitšepo ho bashanyana. Ema, u bonoe, atleha le ho hola, ho tsetela ho bashanyana bakeng sa malapa le lichaba tse matla," 'me ho lebeletsoe hore e hohele mekhatlo e fapakaneng e sebetsanang le litaba tsa tšireletso ea bana.

Ho ea ka Mongoli oa DCPT ebile e le Ofisiri e Kholo ea Boiketlo ba Bana Lefapheng la Ntšetsopeleng ea Sechaba, Thato Masupha, o re ketsahalo ena e reretsoe ho totobatsa bohlokoa ba ho tšehetsa moshanyana ka botlalo, likarolong tse fapakaneng tsa bophelo ho netefatsa boiketlo ba hae.

Masupha o re moetlo

le sechaba li beha litebello tse kholo ho bashanyana, hoo hangata ba qobelloang ho bonahala ba le matla, lehoja ba tobane le mathata a bophelo. O boetse a hlakisa hore bashanyana le bona ba hloka tataiso le tlhokomelo, kaha ba bangata ba shoa ka khutso ba imetsoe ke mathata a fapakaneng a bophelo a

le boikarabello.

Masupha o hatelletse hape bohlokoa ba ho ela hloko kholo ea maikutlo a bashanyana le ho ba hollisa hantle. A re sena se ka thusa ho aha boitšepo ba bona le ho ba thusa ho fihlela bokhoni ba bona bo felletseng bophelong, le ho aha lichaba tse thabileng.

Ketsahalo ena e le-

mathata ao ba tobanang le 'ona bophelong.

Motlotlehi Mofumahali Masenate Mohato Bereng Seeiso, ketekelong ea letsatsi le tšoanang Maseru, o hlahositse hore ngoana oa moshanyana o lokela ho hlokomeloa, ho thakeloa ka malebela molemong oa bophelo bo botle. O re ho bohlokoa hore le bona ba fueo



ba amohang litokelo tsa bona tsa botho.

Ka hona bongoli ba DCPT bo re ho ketekoa ha letsatsi lena ho reretsoe ho phahamisa tlhokomeliso sechabeng, ka bohlokoa ba ho tsetela thutong ea moshanyana, ho mo kenyeletsa litabeng tse mo amang, le ho mo fa monyetla oa ho hola e be moahi ea nang

belletsoe ho hohela lihlooho tsa mafapha a fapakaneng Seterekeng sa Berea, hammoho le mekhatlo eo e seng ea 'muso.

Letsatsi la Machaba la Moshanyana le ketekoa selemo le selemo ka la 16 Motšeanong, ka sepheo sa ho ananela boiketlo ba bashanyana ha ba ntse ba hola le ho rarolla

tšireletso le bophelo bo botle, ba boleng hore e tle e be batho ba holang ba tseba lerato, tlhokomelo le tsotello.

A re ka nako e telele lefatše le tsepamisitse maikutlo ho ngoana oa ngoanana, oa moshanyana a salletse morao. A re ba lokela ho bona hore ngoana oa moshanyana o eloa hloko.

MISA e tlotla bo-ralitaba

STAFF

Setsi sa bophatlalatsi ba litaba sa MISA-Lesotho se tlotlile baqolotsi ba litaba le baphatlalatsi ba sebelitseng nako e telele mosebetsing oa bo-ralitaba nakong ea mokete oa Let-satsi la Tokoloho ea Bo-ralitaba Lefatšeng o neng o tšeroe ka la 19 Motšeanong monongoaha.

H'a bua moketeng oo, Molula-Setulo oa MISA-Lesotho, Khotsofalang Koloï o re ketsahalo eo e file basebetsi ba litaba monyetla oa ho lekola tsoelo-pele e entsoeng lilemong tse fetileng. O boletse hore tokoloho ea bo-ralitaba Lesotho e ntlafetse haholo, kaha naha e bone kholo ea mecha ea litaba e fapakaneng le tikoloho e matla ea bo-ralitaba.

Koloï o totobalitse ho thehoa ha maqhubu a macha a li-ea-le-moea, kholo ea mecha ea litaba e hatisitsoeng hammoho le katoloso ea liforomo tsa litaba tsa marang-rang. A tsoela pele ka hore MISA e amohela ho ntlafalo lefapheng la bo-ralitaba, leha baqolotsi ba litaba ba ntse ba tobane le matha-



ta a lichelete.

O bontšitse hore komiti e sa tsoa khethoa e ikemiselitse ho sebelisana le likhoebo le bankakarolo ba fapakaneng ho matlafatsa botsitso ba lichelete lefapheng la litaba, haholo-holo ka menyetla ea lipapatso. A re mokete oa likhau o reretsoe ho hlompheha baqolotsi ba litaba le baphatlalatsi ba sebelelitse naha ka lilemo tse ngata tlas'a maemo a thata, ha ba ntse ba kenya letsoho khotlaletsong ea tokoloho ea bo-ralitaba Lesotho.

Lebitsong la mofani oa likhau, Econet Telecom Lesotho, Setsebi sa Likamano tsa Sechaba Retselisitsoe Nkhahle, o re kampani eo e ananela karolo ea bohlokoa e bapaloang ke baqolotsi ba litaba sechabeng. O boletse hore Econet Telecom Lesotho e sebetsa haufi-ufi le mecha ea litaba ebile e ntse e ikemiselitse ho nolofatsa puisano le ho fihla ha litaba lefatšeng la 'digital'.

Nkhahle o boetse a re likhau tsena li lokela ho sumetsa baqolotsi ba litaba ha ka nako e tšoanang

li khotlaletsa tokoloho ea marang-rang le tsebo ea lichelete.

H'a bua lebitsong la baqolotsi ba litaba ba ananetsoeng, 'Meko Phohleli o bontšitse teboho bakeng sa kananelo eo, a re leha mosebetsi oa bo-ralitaba o sa ka oa ba bonolo nako tsohle, baqolotsi ba litaba ba ile ba lula ba ikemiselitse mosebetsing oa bona le ho sebeletsa sechaba.

Lineo Uamussi o itse o qalile mosebetsi oa hae e le motlalehi ho LENA ka selemo sa 1996, 'me ho tloha ka nako eo o sebelitse ka boitelo ho tsebisa sechaba ka litaba tsa naha. O bontšitse thabo le teboho bakeng sa kananelo ena, a re khau eo e mo fa matla ea ho tsoela pele ho sebetsa ka thata, le ho boloka boiphilelo le boitšoarō bo botle mosebetsing oa boralitaba.

Uamussi o boetse a bua ka liphetho tse etsahetseng lefapheng la bo-ralitaba ho theosa le lilemo, a re leha ho e-na le mathata ao baqolotsi ba litaba ba tobanang le 'ona, boitelo le lerato la mosebetsi li ntse li le bohlokoa. Uamussi 52 o na le Diploma in Business Studies, eo a e fumaneng ho Institute of Extra Mural Studies. O boetse a fuma-na boiphilelo ba ho ngola

litaba ka lithupelo tse ngata, tseo a kileng a li fumana kahare ho naha le tikolohong ha a ntse a sebetsa setsing sena sa litaba. Hape o ile a khethoa Lekhotleng le Busang la Naha la MISA Lesotho, moo a sebelitseng e le Ramatlotlo ka lilemo tse tharo.

Khau ena ea tšebeliso e telele ke karolo ea boitekoko ba MISA-Lesotho ba ho ananela baqolotsi ba litaba le basebetsi ba media ba entseng tlatsetso e kholo ntšetsopele ea lefapha la media ka har'a naha, ka tšebetso ea Econet Lesotho.

E mong oa baphatlalatsi ba Moeletsi oa Basotho ea fumaneng khau Nthabeleng Seitlheko, o hlalositse hore khau e na e bohlokoa kaha e mo ruta hore mosebetsi oo a u etsang hona le batho ba mo shebileng. "Ke leboha hobane ke ngola ka puo ea Sesotho, 'me hangata khopolo ea ka e mpha hore batho b'a boreha ke sona, empa ke motlotlo ka bosebeletsi bo botle." Ke eena eo.

O re o leboha MISA le Econet ka ho ba ela hloko mosebetsing oa bona, kaha ho ketekoa ha basebetsi lefapheng lena e se ntho e etsahalang.

27 350 562 | 57396597 (whatsApp)
bookcentre@mazenodprinting.co.ls

Here's how to access them:

1. Download the Akello Reading App.
2. Search for the book you want.
3. Purchase or subscribe online.
4. Download the book

Enjoy reading offline anytime on the Akello App.

<https://library.akello.co/>

SCHOOL BOOKS

now available on the Akello Online Library!



TSA KEREKE

Bakatekista b'a ichorisa

Tšeliso Thakholi

Bakatekista ba litikolo-ho tsa Mazenod le Assumption ba bile thupelong ea matsatsi a mararo e kenyeletsang har'a tse ling tse ngata thuto ea Katekisima, Thapelo ea Morena le Tumelo ea Bapostola tse neng li fanoa ke Rameea oa Tikoloho e Kholo ea Maseru Fr. Raphael Mothe le litho tsa Komiti e Kholo. Thupelo ena ebile Parishing ea Maria Mofumahali oa Lefaatše, Mazenod, ka la 15 ho isa la 17 Motšeanong monongoaha, moo litho tse ncha tse 19 li ileng tsa qhoaeloa lipele bak-

ho se sitise moea o fe kapa o fe ho sokoloha, ka mabaka a rona a botho ao e seng a Kereke." Ke eena eo.

Letsatsing le hlahlamang lithuto tse ileng tsa fanoa li bile 'maloa, 'me har'a tsona Mongoli oa Tikoloho e Kholo ea Maseru, Monghali Mpaoane Robert Moji, o hlahleletse litho ka thuto e matla haholo ea Tumelo ea Baapostola e leng boipolelo ba tumelo. H'a manolla Tumelo ea Baapostola o itse tumelo ke ho tšepa le tšepiso ea lintho tse lebeletsoeng. "E phatlalatsa seo Kereke e se boelang. E boetse e re behela liphiri tsa Morena oa rona Jesu Kriste, tseo a re senoletseng tsona." O

bapi le Thapelo ea Morena, moo a ileng a bontša hore thapelo ke ho phahamisetsa meea ea rona ho Morena Molimo. Ka hona ha re rapela re lokela ho tsephamisetsa maikutlo a rona thapelong. A boela a re thapelo ke ho tlotlisa Morena Molimo linthong tseo a re e tselitseng tsona, ho mo leboha ka bophelo boo a re fileng bona bo re tlisetsang lithoko tsohle tseo re lihlokang, le ho mo kopa ho re ekeletsa ka seo re se hlokang. "Molimo ke 'mopi oa lintho tsohle ke mosireletsi le mopholosi ka Baperesone ba Bararo e leng Ntate, Mora le Moea o Halalelang." Ke eena eo.



eng sa ho tla qala tšebetso.

Letsatsing la pele, thupelo e ile ea buloa ka thuto e holim'a bohlokoa ba Matlo a Lithapelo le hore boikarabello ba mokatekista ke bo fe, e ileng ea fanoa ke Molula-Setulo oa Komiti e Kholo ea Tikoloho ea Maseru, Monghali Serame Constantinus Sebolai, moo a ileng a bontša har'a tse ling hore Ntlong ea Thapelo ke moo bakriste ba sokolohileng le ba laba-labelang tšokoloho ba kopanang teng ho ithuta Lentsoe la Molimo motseng moo ba phelang.

A re hore Kereke e phele ke ka lebaka la mokatekista, kaha a ena le matla a ho tsosolosa Kereke motseng. "Thomo ea lona ke hore le il'o tsosa matlo a lithapelo ho se khethollo, le

boletse joalo.

A re Tumelo ea Baapostola e na le litšiea tse 12 tse bonahalang, 'me tse kholo har'a eona ke likarolo tse buang ka Baperesone ba Bararo e leng Ntate, Mora le Moea o Halalelang. A tiisa hore tumelo ea 'nete ea sekriste e phatlalatsa Molimo a le mong feela e seng ba bangata. A bontša hore Tumelo ea Baapostola e akaretsa bophelo ba Morena oa rona Jesu Kriste, 'me bohle re lumela ho Kriste ea tsohileng bafung le ho nyolohela leholimong. A fana ka lipalo tse fapakaneng tsa Mangolo a Halalelang moo bakatekista ba ka tsebang ho imatlafatsa tumelong.

Rameea oa Tikoloho e Kholo ea Maseru Fr. Raphael Mothe eena o ile a fana ka thuto ma-

Thupelo ena e ile ea koaloa ka Sehlabele se Halalelang sa 'Missa ke Fr. Ernest Pheko OMI, le ka ho qhoaela litho tse 19 lipele. H'a laea litho tse ncha khotsohang ea hae, o itse litho tsohle tsa khale li'a ba lebohela ho tsoa botebong ba lipelo tsa bona haele mona ba amohetse thomo ea Morena Molimo, etsoe mosebetsi ha o kopanetsoe o ba bobebe haholo. A re ba bohlokoa haholo, 'me ba ratoa ke Morena Molimo, ke ka lebaka lena ba fuoeng thomo ena e kholo ea bohlokoa kahar'a Kereke ea Morena Molimo.

A re ba khethiloe ke Morena Molimo ho etsa mosebetsi ona oa bohlokoa. A ba hlokomelisa hore ba kena kahar'a bakatekista e se e ntse e le batho ba itlhomphang, 'me le ka mohla ba se ke ba tla senya lintho tsa batho, empa ba hlaolele pitso ea bona. A ba kopa ho ithapella ka mehla e le hore sena seo Molimo a se jetseng ka ho bona se hole ka linako tsohle.

"Ithuteng tsa bokatekista kamehla, 'me ka hobane le khethetsoe mosebetsi ona oa Jesu Kriste, e bang le metsamao e metle. O tsebe hore o se o le mokatekista. Ka hona hlokomelang metsamao ea lona." Ke Fr. Pheko eo.



2025-2026 SELEMO A

MOKETE OA PENTEKONTA



Liketso 2:1-11

Pesalema 103

1 Paulosi 12:3-7.12-13

Joannes 20:19-23



Khothatso

Ho tla ha Moea o Halalelang

Kajeno ke mokete o moholo oa Pentekonta. Lentsoe lena lea re makatsa, hobane ha se la Sesotho; le bolela matsatsi a mashome a mahlano. Pentakonta ea pele e bile teng kamorao ho matsatsi a mashome a mahlano hoba Baheberu ba tsoe bokhobeng ba Egepete. Ba ne ba le felleng, ha Morena Molimo a hloma selekane le bona, ka ho neha Moshe melao ea hae thabeng ea Senai.

Pentekonta ea kajeno, eona e re hopotsa ho tla ha Moea o Halalelang holim'a baapostola, kamorao ho matsatsi a mashome a mahlano, hoba Jesu a tsohe bafung.

Re sa hopola hore kamorao ho Nyelohelo ea Jesu leholimong, baapostola ba ne ba le hammoho ka ho tšaba Bajodi, ba tiisetse thapelong ba e-na le Maria le basali ba bang.

Joale hoseng ha letsatsi la Pentekonta, ba utloa moea o fakang ka matla, ba bona maleme a mollo a ema holim'a e mong le e mong oa bona. Ha b'a ka ba utloa lentsoe le tsoang leholimong, ha b'a ka ba bona lengoloi le ba hlaloseletsang hore ho etsahala ng, joaloka mohl'a tsoalo ea Jesu, tsoho ea hae bafung kapa nyolohelo ea hae. Ha b'a ka ba bolelloa hore na ba tsoanetse ho etsa joang, empa kapele-pele ba ile ba tla Moea o Halalelang, ba bula mamati, ba tsoela kante, 'me ba qala ho bua le ho khathatsa.

Liketso tsa baapostola li bua ka mohlolo o neng o etsahala mohlomong: ho ne ho le teng Jerusalema batho ba bangata ba tsoang libakeng tse fapakaneng ba neng ba tile moketeng 'me ba neng ba bua lipuo tse ngata tse sa tsejoeng ke baapostola. Leha ho le joalo, bohle ba ile ba utloa khotso ea Peterosi le ea ba bang, e mong le e mong puong ea habo.

Empa mohlolo o moholo oa letsatsi lena e bile hore baapostola ba neng ba tšaba Bajodi, ba neng ba baleha 'me ba neng ba ikoaletse ka tlung e le 'ngoe, joale ha ba sa tšaba, ba bula mamati, b'a tsoa, b'a hoeletsa, ba bua ba sa tšabe letho. Ho tloha kajeno e tla ba lipaki tsa 'nete tsa Kriste, ka lipolelo, ka liketso esita le ka lefu la bona. Ba khotso, 'me ba thabile kamehla.

Mohlolo ke hore baapostola ba neng ba lakatsa hore Jesu a hlome 'muso oa hae lefatšeng, ba neng ba ipotsa hore na ke neng Jesu a tlang ho hloma 'muso ona, bona ba neng ba tsekisana litulo tsa pele, kajeno b'a utloisisa hore 'muso oa Jesu ha se oa lefatše lena, ba utloisisa hore pholoho ha se ea Bajodi feela, 'me ba qala ho bua, ho tsamaea, ho khotsoa le ho sokolla batho.

Ke tsona liketsahalo tsa Pentekonta: ho theohela ha Moea o Halalelang holim'a baapostola le ho qaleha ha mosebetsi oa bona oa ho phutha batho le ho ba bontša 'muso oa Molimo. Ho tloha ka Paseka, taba ea tsoho ea Jesu e ne e le lekunutu le neng le bolelloa metsoalle feela, athe kajeno taba ena e phatlalatsa ka mokhoa o moholo.

Mokete oa Pentekonta ha se khopotso feela ea ketsahalo ea khale, ke ketsahalo e etsahalang kajeno ho e mong le e mong oa rona. Re amohetse Moea o Halalelang ka letsatsi la Hlatsuo ea rona ha re etsoa bana ba Molimo. Re o amohetse hape ka letsatsi la Tiiso ea rona, ha re etsoa lipaki tsa Jesu le baapostola ba hae. Empa ka mohlomong, re tsoana le baapostola, re hloka kutloisiso ea linnete tsa tumelo ea rona. Re hloka matla a ho phetha litšoanelo tsa rona, hobane meleko ea lefatše le likhahliso tsa lona lia re sitisa. Ha ho le joalo, re tsoanetse ho rapela Moea o Halalelang o tle ho rona 'me o sebetsa ka ho rona.

Moea o Halalelang o hlonepha bolokolohi ba rona. Ha re o kopa ho sebetsa ka ho rona, o tla etsa mehlole ea mohl'a monene, o tla re fa leseli, sebete, lerato la Molimo, 'me o tla re etsa baapostola ba matla le lipaki tsa 'nete tsa Jesu. Empa ha re sa o lumelle ho sebetsa ho rona, o ke ke oa etsa letho. Ke ka baka lena re tsoanetseng ho rapela Moea o Halalelang, ho inehela ho Oona, ho kopa leseli, matla lerato le lineho tsa Oona, hore re etse thato ea Molimo kamehla, re be bakriste ba phethehileng, lipaki tsa Jesu le baapostola ba hae.

Qetellong, re hopole hore lineho tsa Moea o Halalelang tseo baapostola ba neng ba li fuoe ka letsatsi la Pentekonta li ne li etselitsoe ba bang. Kamehla ha re fuoa boikarabello bo itseng, re tsebe hore Morena Molimo o re thusa ka lineho tse hlokalang ho phetha tsoanelo tsa rona.

Bahalaleli har'a Beke

- 25 Motšeanong Manuel Morales
- 26 Motšeanong Becan
- 27 Motšeanong Basilla
- 28 Motšeanong Bruno
- 29 Motšeanong Conon
- 30 Motšeanong Luke Kirby

Nthunya ke setho sa COSAFA

Tšeliso Thakholi

President ea Mokhatlo oa Lesotho oa Bolo ea Maoto (LeFA), Lijane Nthunya o khethetsoe ho ba setho se secha sa Mokhatlo oa Tikoloho e ka Boroa ea Afrika (COSAFA), 'mokeng oa selemo le selemo o neng o bile o kenyelelitse le likhetho tsa Komiti e Kholo, o neng o tšoaretsoe Motse-Moholo Harare, Zimbabwe, ka la 17 Motšeanong monogoaha.

Khetho ea President Nthunya ea ho ba kahar'a Komiti e Kholo ea COSAFA e hlaloso ke Raliphatlatso oa LeFA Monghali Mikia Kalati, e le sesupo sa hore tikoloho ea Afrika ena le tumelo ea hore Naha ea Lesotho ena le litsebo tse pharaletseng tsa tsamaiso ea papali ea bolo. "Re le Naha ea Lesotho ho'a bonahala hore machaba a re hlomphe ka litsebo tseo re ka li tlang tafoleng, tsa ho bona hore papali ea rona e'a matlafala koano tikolohong e ka Boroa ea Afrika." O boletse joalo.

O re taba ena e boetse e tlii'o fa Lesotho monyetla o moholo oa hore le be le lentsoe Komiting e Kholo ea COSAFA, moo ho etsoang liqeto teng tse ka thusang tikoloho ea Afrika le Naha ea Lesotho. A supa hore khetho ena ea bohlokoa e tla thusa ka ho fana ka menyetla ho bana ba Basotho mafapheng a fapaneng kahar'a papali ea bolo ea maoto. A tiisa hore boemeli bona bo tla boela bo fa LeFA le lelapa lohle la bolo ea maoto menyetla e mengata haholo.

"Taba ena ea hore re na le boemeli moo ho e tsoang liqeto tse kholo tsa COSAFA, e tla re thusa haholo re le naha, ho bona hore ha re salle morao ntlafatsong ea bolo ea maoto." A rialo a bile a phethela ka ho hlokomelisa bohle ba ikarabellang litabeng tsa kholiso ea papali ea bolo hore sena se fana ka khatello ho naha hore e lokela ho sebetsa hantle, e le hore President Nthunya le eena a tle a be motlotlo hore h'a bua ka Naha ea Lesotho a be a bua ka naha e sebetsang hantle kantle le kahar'a lebala.

Ho sa le joalo, President e ncha ea COSAFA e khethiloeng ho sena ea qothisanang lehlokoa le eena ke Tarig Babitseng oa Botswana ea kenang lieteng tsa Said Ali Athouman, Motlatsi oa hae ke Alfred Randria-

manampisoa oa Madagascar. Haele litho baeletsi ke Lijane Nthunya oa Lesotho, Ngobile Magwizi oa Zimbabwe, Dr. Brenda Kunda oa Zambia, Robert Shimooshili oa Namibia le Peter Simelane oa Eswatini. Athe litho tse ling tse ileng tsa khethoa ho tlatsetsa komiti ena ke Linda Zwane oa Afrika Boroa le Irene Goncalves oa Angola. Komiti ena e tlii'o nka lilemo tse 'ne.

Baeti ba bohlokoa ba bileng teng ho tlotlisa 'moka ona e bile President ea Mokhatlo oa Bolo oa Afrika (CAF), Dr. Patrice Motsepe ea ileng a leboha le ho lebohela komiti e ncha le ho e lakaletsa tšebetso e tsoileng matsoho, 'moho le President ea Mokhatlo oa CECFA Paulos Weldehaimanot eo e neng e le momemuoa.



Li tsoa le moo li keneng

Tšeliso Thakholi

Ho thata ho mofu ho qoba lebitla! Lihlopha tse peli tsa bolo ea maoto Lesotho, Liphakoe le Maroala li tsoile Liking e Kholo ea Vodacom, ho ea mokhahlelong o ka tlaase oa Liki ea A Division, kamor'a ho lahleheloa ke lipapali tse ngata ho tloha ha selemo sa lipapali se qala ho fihlela ha se phetheloa, mabaleng a fapaneng mafelong ana a sa tsoa feta a beke.

Sehlopha sa Liphakoe ebile sona se ileng sa emela Setereke sa Quthing ka bokhabane bo boholo lilemo tse telele haholo Liking e Kholo ea Vodacom, empa ka masoabi a mahlolo se rathiloe ke selepe. Lihlopha li phethetse lipapali tsa tsona ka moea o holimo, ha tse joaloka; LMPS, LCS, LDF, Lioli le Linare li ne li bonahala li bapala feela ho phethela lipapali.

Ha lipapali tsa Vodacom Premier League li fela, Liphakoe e iphumane e matha maemong a bo-15 ka lipapali tse 30 tseo e li bapetseng ho tloha ha liki e qala ngoahola, e anetse ho hlola lipapali tse tharo, ea bapala ka ho lekana ho tse 12, ea hlola ho tse 15. E atlehile ho tsamaea e bokeletse lintlha-kholo tse 21. Maroala e neng e



sa tsoa kena lihlopheng tse kholo, e maemong a ho qetela lokong ka lipapali tse 30, ea hlola tse tharo, ea hlola ho tse 21. Ka mokotleng e tsamaile e tšetse lintlha-kholo tse 14.

Raliphatlatso oa Komiti e Kholo e Tsamaisang Papali ea Bolo ea Maoto (PLMC), Monghali Moeketsi Ramakatsa, o netefalitse hore lihlopha tse peli e leng Liphakoe le Maroala li rathiloe ke selepe, 'me li tla bapala mokhahlelong o katlaase. "Ho ea ka boemo ba tsona lokong lihlopha tse peli tsona e hliile li theohela mokhahlelong o katlaase, empa ke hona re tla lula ho netefatsa boemo bono ba tsona." Ke Ramakatsa eo.

Joalokaha sehlopha sa habo se theohela Liking e katlaase, Monghali Ramakatsa o tlii'o nehelana ka marapo ho ea tlang ho khethoa e le Raliphatlatso oa PLMC. O lebohile tšebeliso 'moho e mofuthu eo a bileng le eona, haele mona a tlii'o fetiset-

tse lintlha-kholo tse 21. Ka hona sena ke pontšo ea hore kholo e teng papaling ea bolo ea maoto kahar'a naha.

A phethela ka hore ona le tšepo ea hore Liphakoe selemong se tlang sa lipapali e tla boela e khutla, 'me ka tšebetso ea balateli ba eona e tla sebetsa hantle haholo. A ipiletsa ho balateli ho tšehetsa sehlopha sa bona nakong ena e thata eo se boetseng se il'o qala liking e katlaase hape.

Sehlopha sa Liphakoe se fapana le sehlopha se kang sa Maroala kaha sona ke sa setereke, 'me ho tsoa ha sona Liking e Kholo ho bolela hore Setereke sa Quthing ha se sana sehlopha se sehlo. Leha se sa ka sa tlietsa sechaba sa habo sona melemo e mengata ka lebaka la ho hloka lebala, 'me se bapalla le ho sebelisa mabala a Maseru, boteng ba sona lihlopheng tse kholo bo entse hore bolo e ntlafale haholo kahar'a Setereke sa Quthing.



Lihlopha tse 'ne li hlatsoa jesi

Tšeliso Thakholi

Sehlopha sa bolo ea maoto sa Villa se tla botsana lipotso le sa Buasono

belo papaling ea pele 'sehlopha sa Loti' ka moo ba se renketsang ka teng, e leng Mzamane se ileng sa teteka sa Qoaling Highlanders ka phafa ea 2-1, seo e sa leng se sa bapale hantle ho tloha liking ea sona e ka Boroa ea

e ile ea makatsa Litšehlo ka ho shapa 2-1. Kamor'a hore lihlopha tse 'ne e leng Qoaling Highlanders, Kick4Life Juventude, All Aces le Litšehlo li hloloe ho fetela pele, ile tsa hlatsoa jesi 'me tsa khaketsoa chelete e kaalo

ho hapa mohope ona. "Sehlopha sa Villa se lokela ho tla sebetsa ka thata hore se re thabise, joalokaha le rona re siile mabaka a rona a mangata ho tla se tšehetsa, e le ho bona hore se ea atleha." Ba boletse joalo ba bile

ka oona. "Ho hloloa ha rona ha se mar'a ha se ho fela, se tla sebetsa ka thata ha selemo sa lipapali se qala ho re thabisa, moo toro ea rona e leng ho hapa liki isao." Ba rialo. Ba tiisa hore



no United, ha sa Mzamane se tla isana holimo le tlaase le sa Lilemela lipapaling tsa seka-makhaola-khang a Mohope oa Nedbank 8, lebaleng la Bambatha, Maseru, mafelong ana a beke, ka Moqebelo.

Lihlopha tsena tse 'ne ha li ipetlela tsela ena ea ho ea ho seka-makhaola-khang, ke moo letsatsing la Moqebelo.

A Division e qala ho fihlela eba e fihla pheletsong, ho latela ka moo barati ba bolo ba neng ba lebella ka teng. Papaling ea bobeli Buasono United ea halala Kick4Life Juventude ka ho e pola ka phafa ea 3-1.

Letsatsing le hlahlamang la Sontaha Lilemela ea hlo-la All Aces ka 2-1 papaling e bileng matla haholo, ha Villa

ka M20,000.00 sehlopha ka seng, e le ho li phumula menyepetsi. Taba li sallane le tse 'ne tse setseng tse tlang ho tseka mohope ona.

Puisanong le barati le batšehetsi ba sehlopha sa Villa ba boletse hore joalokaha ba se ba hlotsoe ho hapa liki, sehlopha sa bona se morerong o moholo oa ho tla fumana matšeliso ka

ba phethela ka hore, katleho ea sehlopha sa habo bona e tlišitsoe ke boitjoetso bo teng ho botsamaisi, le libapali tsa sehlopha "tse lulang li re thabisa ka mehla ha re tlile lipapaling."

Haele batšehetsi ba sehlopha sa All Aces ba itse leha sehlopha sa bona se hlotsoe ba motlotlo haholo ke mokhoa oo se bapetseng

taba e 'ngoe e ileng ea etsa hore bahloloe ke hore bane ba bapala le sehlopha seo ba sa setsebeng ho hang, kaha li sa bapale liking e tšoanang. Ka hona sena se ile sa etsa hore ho nke nako e telele ho ithuta hore na ba bapala bolo ea mofuta ofe, 'me ea re ha ba iphumana ba haha serobe phiri e se e jele.

E itokisetsa ho hapa liki

Tšeliso Thakholi

Ele ho matlafatsa boemo ba sona liking e Kholo ea Vodacom, ha selemo se secha se qala isao, sehlopha sa bolo ea maoto sa Matlama 'Tse Putsoa' se tekenne le ho nchafaletsa libapali tse 'ne tsa bohlokoa likonteraka tsa tsona, hang hoba liki e fihle pheletsong mafelong ana a beke a tsoa feta.

Tsena li liphatlalitsoe ke Raliphatlalatso oa sehlopha sa Matlama, Themba Ta-

lane puisanong le motlalehi oa Koranta ena ka la 19 Motšeanong monongoaha, moo a itseng hajoale ba sa ntse ba lokisa ntlo ea bona kahare pele ba ea kantle, ka ho nchafaletsa libapali tsa bona likonteraka. Sebapali sa pele se nchafalitseng konteraka ea sona ka nako ea selemo ke mokaubere oa sehlopha sa Matlama e leng ea sebelelitseng sehlopha seo ka boitelo, lerato le botšepahi nako ea lilemo tse 12 e leng Phafa Tšosane. Sebapali sa bobeli ke sebapali sa sehlopha sa naha sa Likuena e bile e le moetapele oa sehlo-

pha sa Matlama, Rethabile Mokokoane ea nchafalitseng konteraka ea hae ka nako ea lilemo tse peli.

Ho tekenoa hoa likhahala tsena ho tla tjena e le ho latela boiphihlelo ba bona selika-likoeng sa bolo ea maoto, le ho tšepahalla sehlopha sa Matlama nako e telele. Ba bang ba nchafalitseng likonteraka ke Lebohang Chocholo ka lilemo tse peli le Tšepang Ntsenyane ka nako ea selemo.

Ho feta mona, Raliphatlalatso oa Matlama Themba o latotse menyenyetsi e reng, sehlopha sa Matlama se mothating oa ho tla

reka khalala ea Lioli e leng Sechaba Mohapi. A re taba ea mofuta o joalo hae tsebe ho hang, kaha e lesieo tafoleng ea sehlopha sa habo. "Taba eo ea menyenyetsi re le hlomphele eona le le baphatlalatsi ba lipapali, empa rona ha re sebetse ka eona ho hang." Ke eena eo.

Ho feta mona, a re botsamaisi ba sehlopha sa Matlama bo boetse bo fihletse geto ea hore eo e neng e le mokoetlisi oa nakoana, Thabile Secker a khethoe e le eena mokoetlisi e mocha oa sehlopha nako ea lilemo tse peli. A re qeto ena e fihletsoe kamor'a hore botsamaisi bo khahloe ke tšebetso e ntle eo a e entseng selemong sena se qetang

ho fela sa lipapali. Secker o hlahlama ea neng a ntse a tšoere molepo e le mokoetlisi e leng Shalane Lehohla, eo e seng e le mokoetlisi oa sehlopha sa bolo ea basali sa Kick4Life Women.

Secker nakong eo a neng a fuoa monyetla oa hoba mokoetlisi oa nakoana sehlopheng sa Matlama, o ile a ipabola ka mosebetisi oa hae o babatsehang. Lipapaling tse 14 tseo a libapetseng o hapile tse leshome a bapala ka ho lekana ho tse 'ne, 'me a nyolla sehlopha sa Matlama boemong ba bo-11 ho se isa maamong a boraro lokong ka ho hlola lipapali ka kareketo ea 16 a bokeletsa lintlha-kholo tse 58.